

四庫全書

史部

欽定四庫全書

史部
太常續考卷八

詳校官編修

臣曹振鏞

編修臣程嘉謨覆勘

總校官中書

臣朱

鈴

校對官中書

臣葉

葵

謄錄監生

臣江

晉

欽定四庫全書

太常續考卷八

泰享殿

殿在圜丘後嘉靖十七年上欲宗祀皇考以配上帝詔
舉大享禮于玄極寶殿二十四年乃撤大祀殿即於舊
址建泰享殿其上臺三成殿制周圍為十二方殿後為
皇乾殿東為神庫宰牲亭神廚玄極寶殿建于宮右
乾隅即舊欽安殿也嘉靖中行大享祈穀禮其中改名

玄極寶殿隆慶元年大享祈穀禮罷仍名欽安殿祈穀
嘉靖九年既建園丘方澤分祀天地復以歲孟春上辛
日祀上帝於大祀殿行祈穀禮言官夏言議請南北二
郊奉太祖配祈穀奉文皇帝配下廷議羣臣以為不可
疏留中言又疏請上怒羣臣違君叛禮令祈穀二祖並
配二郊專奉太祖配十年又改以啓蟄日行祈穀禮于
園丘仍止奉太祖配十八年春又改行祈穀禮于玄極
寶殿不奉配二十四年撤大祀殿改建泰享殿復擬行

祈穀禮于泰享殿後殿成止行于玄極寶殿隆慶元年
祈穀禮罷

一驚蟄日行祈穀禮于泰享殿

一前期一月本寺擇吉日詣犧牲所洗滌牲隻後每日
差屬官一員看滌務期潔淨以備供祀本日委協律
郎提調樂舞生執事于太和殿朝夕演習禮樂

一前期十五日本寺具題請看牲次題請命大臣四員
看牲

一行手本知會看牲大臣

一前期七日行揭帖知會司禮監接看牲官本奏祭祀
一行手本知會鴻臚寺請陞殿奏祭祀行揭帖知會司
禮監奏祭祀

一前期六日本寺官早詣景神殿候上致辭拜告

一告辭孝玄孫嗣皇帝御名明日恭視祈穀牲儀謹詣
祖宗列聖帝后神位前恭預告知

一前期五日上御奉天門本寺官跪奏看牲官員題本

進司禮監官接本去訖奏云請聖駕看牲承旨叩三
頭速出詣犧牲所候上至尊上至犧牲所香案太常
卿同冬至奏牛犢北羊鹿兔豕大祀改祈穀上視畢
回至景神殿致辭參拜畢上回宮

一叅辭孝玄孫嗣皇帝御名恭視祈穀牲儀回還恭詣
祖宗列聖帝后神位前謹用叅拜

一告叅合用香燭俱與

大報同

一前期四日本寺官具公服奏祭祀進銅人齋牌于文

華殿東安設北向

一齋牌嘉靖幾年幾月幾日啓蟄行祈穀禮于泰享殿
某日午後沐浴更衣某日為始致齋三日

一東西長安門告示太常寺為祭祀事嘉靖幾年幾月
幾日啓蟄行祈穀禮于泰享殿文武百官自本月某
日午後沐浴更衣於本衙門宿歇某日為始致齋三
日其陪祀官員除年老殘疾體氣瘡疥刑餘喪過之
人不與外文官五品以上武官四品以上至日各具

祭服陪祀合行知會

一前期三日本寺官詣太和殿演習禮樂畢詣犧牲所
看牲樂舞生早詣泰享殿各門燒香前期二日本寺
卿同光祿卿面奏省牲行揭帖知會司禮監填祝版
一前期一日本寺卿同光祿卿省牲復命博士捧祝版
于文華殿上填御名訖博士捧出安于香帛亭內厨
役擡至泰享殿神庫供奉本寺官詣景神殿候致辭
一告辭孝玄孫嗣皇帝御名明日祇詣南郊行祈穀禮

謹詣祖宗列聖帝后神位前恭預告知是日午後本
寺官率鋪排厨役陳設天座供器等項樂舞生陳設
樂器是夜三更時分本寺官請神位奉安陳設籩豆

一陳設

皇天上帝

爵 爵 爵

奎

脾析	芹直	韭直	稻	黍	細鹽	榛	白餅
豚脂	兔醢	醢醢	梁	稷	鰕魚	菱	畢餅
鮑食	笋直	菁直			栗	芡	練餅
棧食	鹿醢	鹿醢	玉帛		栗	麋脯	粉餅

擯

燭 香 燭

一儀注

正祭日昧爽免朝錦衣衛備法駕設板輿于奉天門下
正中上常服乘輿至內西天門外神樂觀二知觀叩頭
起執提爐導至神路錦衣衛官跪奏落輦上降輿導引
官導上至大次具祭服出導引官導上由左門入至陛
上典儀唱樂舞生就位執事官各司其事內贊對引官
導上至拜位內贊奏就位典儀唱迎帝神奏樂內贊
奏陞壇導上至香案前奏跪奏搢圭奏上香訖奏出圭

復位樂止奏四拜

傳贊百官同

典儀

唱

奠玉帛奏樂內贊奏

陞壇導上至御案前奏搢圭上受玉帛奏獻玉帛訖奏

出圭復位樂止典儀

唱

進俎奏樂內贊奏陞壇導上至

俎匣前奏搢圭奏進俎奏出圭復位樂止典儀

唱

行初

獻禮奏樂內贊奏陞壇導上至御案前奏搢圭上受爵

奏獻爵訖奏出圭奏詣讀祝位奏跪

傳贊百官皆跪

樂暫止贊

讀祝訖樂復作奏俯伏興平身

傳贊百官同

奏復位樂止典

儀唱行亞獻禮行終獻禮奏樂

儀同初獻惟不讀祝

樂止太常卿

于殿西東向立

唱

賜福胙內贊奏詣飲福位導上至飲

福位光祿卿捧福酒胙跪進于上右內贊奏跪奏搢圭

奏飲福酒訖奏受胙訖奏出圭俯伏興平身復位奏四

拜

傳贊百官同

典儀

唱

徹饌奏樂樂止典儀

唱

送帝神奏樂

奏四拜

傳贊百官同

樂止典儀

唱

讀祝官捧祝進帛官捧帛

掌祭官捧饌各恭詣泰壇上退拜位之東典儀

唱

望燎

奏樂捧祝帛饌官出殿門內贊奏詣望燎位內贊對引

導上至燎所燎半奏禮畢導引官導上至大次易祭服出

樂止上回至景神殿參拜本寺官詣景神殿候上至參拜
一叅辭孝玄孫嗣皇帝御名祇詣南郊祈穀禮成叅詣
祖宗列聖帝后神位前謹用叅拜

一正祭祝文維嗣天子臣御名祇奏于皇天上帝曰候
維啓蟄農事將舉爰以茲辰敬祈洪造謹率臣僚以
玉帛犧齊粢盛庶品備斯明潔恭祀上帝于泰享殿
仰希垂鑒錫福蒸民俾五穀以皆登普萬方之咸賴
尚享

一樂章

迎神 中和

臣惟穹昊兮民物之初 為民請命兮祀禮昭諸

合四上四尺四合工尺 六工尺一尺一合四合

備筵率職兮祈洪庥 臣衷微眇兮惴懇誠摠

四合四一尺工六尺 工尺一合尺一合四合

遙瞻駕降兮霽色輝 歡迎鼓舞兮迓龍輿

合四一四尺工六工 合四一四尺一四合

臣愧菲才兮后斯民

願福斯民兮聖恩渠

工尺一尺工六工尺

六工尺一尺合四合

奠玉帛

肅和

烝民勤職兮農事顓

蠶工亦慎兮固桑阡

合四上四尺四合尺

六工尺一尺合四合

玉帛祇奏兮暨豆籩

仰祈大化兮錫以豐年

合四上四尺工六尺

工六尺四尺一合四合

進俎

咸和

鼎烹兮氣馨

香羞兮旨醑

帝垂享兮以歆

合四上四尺

六工尺一尺

工尺合四一四

烝民蒙福兮以寧

六工尺一合四合

初獻

壽和

禮嚴兮初獻行

百職趨蹌兮珮琚鳴

合四上四合四

工六尺一尺六工尺

臣謹進兮玉觥

帝心歆鑒兮歲豐亨

工尺一尺六工

六工尺一尺合四合

亞獻

景和

二觴舉兮致虔

清醴載斟兮奉前

合四一尺六尺

六工一尺合四合

仰帝容兮忻穆

臣感聖恩兮實拳拳

工六工一工尺

合四上四尺一四合

終獻

永和

三獻兮一誠微

裡禮告成兮帝鑒是依

合四上四工尺

六工一尺上六尺工尺

炁民沐德兮歲豐穰

臣拜首兮竭誠祈

合四一四尺上六工

六工一尺合四合

徹饌 凝和

三獻週兮肅乃儀

俎豆敬徹兮弗敢遲

四尺上四六上尺

工尺上四上四合四

願留福兮丕而

曰雨曰暘兮若時

合四一尺六尺

工尺上四工上四

送帝神

清和

祀禮告備兮帝鑒彰

臣情上達兮感昊蒼

合四上四尺六工尺

六工尺一尺合四合

雲程肅駕兮返帝鄉

臣荷恩眷兮何以忘

上尺一尺工尺六工

合四一四尺一四合

祥風瑞藹兮彌壇壝

烝民率土兮悉獲豐康

六工尺一尺工六工

合四一四尺一合四合

望燎

太和

遙覩兮天衢長

邈彼寥廓兮去上方

合四上四合尺

工六尺一尺合四合

求帛薦火兮希昇聞

惴惴已通兮沛澤長

四合四一尺工六尺

一尺合四尺一四合

樂終九奏兮神人以和

臣同率土兮咸荷恩光

六工尺一尺六工尺工

合四一四尺一合四合

一合用登簋簠籩豆磬俱青磁

一登壇請神牌掌祭卿一員贊禮官一員讀祝官一員

對引官一員司香官一員進俎官二員舉麾官二員
導引官六員典儀二人通贊二人傳贊二人捧帛二
人執爵一人司尊一人樂生七十二人武舞生六十
六人文舞生六十六人

一樂器旌節干戚籥羽全

一執事青羅祭服全

一樂舞生紅羅袍全淨衣共二百一十四套鋪排厨役
二百五十名

一本寺庫內出制帛香燭果品等物告祀帛一段青色
青版一片降香一炷塊香一斤散降香二百斤薰輦
速香一斤提爐速香一斤二斤燭四枝照道四兩燭
十八枝八兩燭八枝四兩燭十枝簋版進銅人二兩
燭十八枝雜照二兩燭五百枝檀香五錢紅棗五斤
栗子五斤榛仁三斤菱米三斤芡實三斤砂糖一斤
香油三斤蜜六兩白鹽三斤笋六兩鱖魚二尾鮓魚
二斤花椒蒔蘿茴香各四兩梔子八兩煮牲木柴三

千斤木炭二十斤酒四瓶

光祿寺支

黍稷稻粱各三升粳

糯米各二升蕎白麴各五斤醋一瓶韭菜八兩青菜

二把芹菜二綑葱四把神祇壇恒裕倉司菜局領

一合用犧牲共六隻牛用駢犧牲所送牛二隻北羊一
隻豕一口鹿一隻兔一隻

大享

嘉靖十七年秋九月上欲宗祀皇考以配上帝詔舉大
享禮乃享上帝于太內之玄極寶殿奏皇考睿宗知天

守道洪德淵仁寬穆純聖恭儉敬文獻皇帝西向侑享
二十四年撤大祀殿改建泰享殿命禮部歲以季秋奏
請卜吉行大享禮後泰享殿成命仍于玄極寶殿行之
隆慶元年大享禮罷季秋行大享禮于泰享殿事宜
一前期一月本寺擇吉日詣犧牲所洗滌牲隻後逐日
差官一員詣所看洗務期潔淨以備供祀

一前期十五日委協律郎提調樂舞生執事于太和殿
朝夕演習禮樂

一本寺具題請駕看牲次日具題請命大臣四員看牲
行手本知會看牲大臣

一前期十日行手本知會鴻臚寺請駕看牲

一前期六日本寺官早詣景神殿候上致辭拜告

一告辭孝玄孫嗣皇帝御名明日恭視大享牲儀謹詣
祖宗列聖帝后神位前恭預告告知叅合用香燭

與大

報同

一行揭帖知會司禮監接看牲官本奏祭祀知會鴻臚

寺請陞殿奏祭祀

一前期五日上御奉天門本寺卿跪奏看牲官員題本
進司禮監官接本去訖奏請聖駕看牲承旨畢叩三
頭起速出詣犧牲所候上至犧牲所視牲太常卿同
冬至奏牛犢北羊鹿兔豕大祀改大享上視牲畢回
詣景神殿參拜本寺官詣景神殿候致辭

一參辭孝玄孫嗣皇帝御名恭視大享牲儀回還恭詣
祖宗列聖帝后神位前謹用參拜

一行揭帖知會司禮監填祝版

一前期四日本寺官具公服奏祭祀齋戒進銅人齋牌
于文華殿東安設北向

一齋牌嘉靖幾年幾月幾日行大享禮于泰享殿某日
午後沐浴更衣某日為始致齋三日

一東西長安門告示太常寺為祭祀事嘉靖幾年某月
某日行大享禮于泰享殿文武百官云云

一前期三日本寺官具祭服早詣睿宗廟寢候上請皇

考配帝是日上至睿宗寢請主于前殿行再拜一獻禮

一祝文孝子皇帝御名敢昭告于皇考睿宗獻皇帝曰
茲以今月某日恭行大享禮于泰享殿謹請皇考配
帝侑神伏惟鑒知謹告

一儀注陳設脯醢果酒合用香燭

俱與大報同
無二十斤燭

一樂舞生早詣泰享殿各門燒香是日本寺官請太和
殿演禮樂畢詣犧牲所看牲

一前期二日本寺卿同光祿卿面奏省牲次日復命博士捧祝版于文華殿上填御名訖博士捧出安于香帛亭內厨役擡至泰享殿神庫供奉本寺官率鋪排洗祭器本寺官早詣景神殿候上致辭拜告

一告辭孝玄孫嗣皇帝御名明日祇詣南郊行大享禮謹詣祖宗列聖帝后神位前恭預告知是日午後本寺官率鋪排厨役陳設天座供器樂舞生陳設樂器是夜陳設籩豆請安神位

一陳設

饌卓

爵 爵 爵

羹

脾析	芹蕕	韭	稻	黍	細鹽	棒	白餅
月扣	魚醢	醢醢	梁	稷	稻	菱	餅
饗	第月	青			栗	芡	饅餅
饗食	山醢	鹿醢	香		栗	鹿脯	粉楸

牛

燭 香 燭

祝卓

皇考西向配陳設同

無玉

一儀注

正祭日昧爽免朝錦衣衛備法駕設板輿于奉天門下
正中上常服乘輦至內西天門外神樂觀二知觀叩頭
起執爐導至神路錦衣衛官跪奏落輦上降輿導引官
導上至大次具祭服出導引官導上由左門入至陞上
典儀^唱樂舞生就位執事官各司其事內贊對引官導
上至拜位內贊奏就位典儀^唱迎帝神奏樂樂止奏四

拜

傳贊百官同

典儀

唱

奠玉帛奏樂奏陞壇內贊導上至上

帝香案前奏跪奏搢圭奏上香訖上受玉帛奏獻玉帛

訖奏出圭內贊導上至配位香案前

儀同前

奏復位樂止

典儀

唱

進俎奏樂齊卽俎安訖奏陞壇內贊導上至

上帝前奏搢圭奏進俎奏出圭內贊導上至配位前

儀同

前奏復位樂止典儀

唱

行初獻禮奏樂奏陞壇內贊導

上至上帝前奏搢圭上受爵奏獻爵訖奏出圭奏詣讀

祝位樂暫止奏跪

傳贊衆官皆跪

贊讀祝訖樂復作奏俯伏興

平身

傳贊百官同

內贊導上至配位前

同前

獻爵訖奏復位樂

止典儀

唱

行亞獻禮行終獻禮

儀同初獻惟不讀祝

樂止太常卿

立于殿西東向

唱

賜福胙內贊奏詣飲福位內贊導上

至飲福位光祿卿捧福酒胙跪進于上左奏跪奏搯圭

奏飲福酒訖奏受胙訖奏出圭奏俯伏興平身奏復位

奏四拜

傳贊百官同

典儀

唱

徹饌奏樂樂止典儀

唱

送帝神

奏樂奏四拜

傳贊百官同

樂止典儀

唱

讀祝官捧祝進帛官

捧帛掌祭官捧饌各恭詣泰壇上退拜位之東立典儀

唱望燎奏樂捧祝帛饌官出殿中門奏詣望燎位內贊對引官導上至望燎位燎半奏禮畢導引官導上至大次易祭服出樂止上回至景神殿參拜本寺官詣景神殿候上至參拜

一參辭孝玄孫嗣皇帝御名祇詣南郊太享禮成恭詣祖宗列聖帝后神位前謹用參拜

一祝文維嗣天子臣御名恭奏享于皇天上帝曰時當季秋咸成農事羣生蒙利黎兆允安邦家是賴帝德

敷天臣統臣工宜為酬享謹用玉幣犧牷祇謝生成
大福備此禋燎奉皇考睿宗知天守道洪德淵仁寬
穆純聖恭儉敬文獻皇帝配帝侑歆尚享

一樂章

迎神

中和

於皇穆清兮弘覆維仁 既成萬寶兮惠此烝民
合四一四尺四合工尺 六工尺一尺一合四合
祇受厥明兮欲報無因 爰稽古昔兮式展明禋

四合四一尺六尺工尺

合四一四尺一合四合

肅肅廣庭兮遙遙紫炁

笙鏞始奏兮祥風導雲

四合四一尺一四工合

工尺一尺工六尺工尺

臣拜稽首兮中心孔懃

爰瞻寶輦兮森羅萬神

六工尺一尺一四工合

一尺工尺工六尺工尺

庶幾昭格兮眷命其申

徘徊顧歆兮鑒我恭寅

合四一四尺一尺六尺

六工尺一尺一合四合

奠玉帛

肅和

捧珪幣兮瑤堂

穆將愉兮聖皇

合四一四一尺

六上一尺四合

秉予心兮純壺

荷帝德兮溥將

一尺一尺六尺

合四一四一合

進俎 凝和

歲功阜兮庶類成

黍稷醢兮臠鼎馨

合四一四一尺一

上六尺一四一合

敬薦之兮慙菲輕

大禮不煩兮惟一誠

合四一四尺合四

六尺一尺一四工合

初獻 壽和

金風動兮玉宇澄

初獻觴兮交聖靈

合四一四尺一工

工六尺一四工合

瞻玄造兮懷鴻禎

曷以酬之兮心忼忼

四合四一尺六尺

合四上四尺一四合

亞獻 豫和

帝眷我兮居歆

紛繁會兮五音

合四一四工尺

六工尺四上合

再奉觴兮莫殫臣心

惟帝欣懌兮生民是任

一尺工尺一六工尺

合四一四尺一四上合

終獻 熙和

綏萬方兮屢豐年

眇眇予躬兮實荷旻天

合四一四尺六尺

六尺工尺一尺合四上

酒三獻兮心益虔

帝命參與兮勿遽旋

一尺工尺六工尺

六工尺一尺四上合

徹饌

雍和

祀禮既洽兮人神肅雍
饗帝饗親兮勉竭臣衷

合四上四尺六尺一尺
工尺上四上四合上

惟洪恩兮罔極
儼連蜷兮聖容

四合上尺工尺
工尺四上合四

送神
清和

九韶既成兮金玉鏗鏘
百辟森立兮威羽斯藏

合四一尺工六尺工尺
工六尺一尺一合四尺

皇天在上兮昭考在傍
嚴父配天兮祇修厥常

四合四一尺六尺工尺
合四一四尺一合四合

殷薦既終兮神去無方
玄雲上升兮鸞鵠參翔

一尺工尺工一尺六工
六工尺一尺一合四合

靈光回照兮郁乎芬芳
載慕載瞻兮願錫亨昌

四合四一尺六尺工尺
六尺工尺一尺合四尺

子孫黎民兮維帝是將
於昭明德兮永懷不忘

合四一四尺工六尺工
六工尺一尺一四工合

望燎 時和

龍輿杳杳兮歸上方

金風應律兮燎斯揚

合四一四尺四合四

一工尺一尺合四合

達精誠兮合靈光

帝庭納兮玉幣將

一尺工尺一六工

六工尺一尺四合

顧下土兮眷不忘

願錫吾民兮長阜康

上尺一尺工六尺

合四一四尺四工合

一合用犧牲共八隻牛三隻羊一隻豕一口鹿一隻兔

二隻

一登壇官員執事樂舞生厨役合用制帛香燭果酒祭
器等項俱與祈穀同

正旦萬壽聖節拜天

嘉靖中每正旦萬壽聖節日上用酒脯果帛拜天于玄
極寶殿隆慶元年正旦節本寺題奉聖旨拜天朕自於
內行禮你每執事員役俱不用

自是祭品亦不由本寺

是年正月

萬壽聖節拜天禮禮部題奉欽依罷免正月初一日正

旦皇上于玄極寶殿拜天

一前期十日本寺具題本開門進祭品放供祀官員執事厨役人等

一前期三日行揭帖知會司禮監填祝版

一前期一日早博士捧祝版于文華殿候上親填御名或臨時于精一堂或于玄極門內填本寺辦祭品午後官員執事厨役人等進祭品由午門右順思善精一會極順德咸和右門通玄凌霄集真門入至玄極

寶殿內西側安設演禮畢由長庚門出于闕右支待
房守宿二更時分由右掖右順思善長庚二南四德
陟虛集真門入本寺卿奉安神御位本寺官鋪排陳
設祭品祭器等項

一陳設

皇天上帝

爵

爵

爵

黑餅

虎膽

鹿脯

鹿髓

白餅

黃餅

胡梨

榛仁

棗

栗

菱

蓮肉

帛

祝案
香案

燭臺

花瓶

香爐

花瓶

燭臺

御拜位

一儀注

是夜三更時分上具服乘輿至凌霄門外降輿入門內
本寺卿跪奏神御位奉安訖復命叩三頭作揖退導引
官導上至玄極門內填祝版訖司禮監官捧版出北門
卿接捧安于殿內祝案上導引官導上繇集真門入至
左陛內贊對引導上繇左門入典儀唱執事官各司其
事內贊奏就位典儀唱迎帝神內贊奏陞壇導上繇中
陛登臺至香案前奏跪奏搢圭上香訖奏出圭復位上

復位奏四拜典儀

唱

奠帛行初獻禮內贊奏陞壇導上

至御案前奏搢圭上受帛奏獻帛上受爵奏獻爵訖奏

出圭奏詣讀祝位奏跪贊讀祝訖奏俯伏興平身復位

典儀

唱

行亞獻禮內贊奏陞壇導上至御案前奏搢圭

上受爵奏獻爵訖奏出圭復位典儀

唱

行終獻禮

儀同亞獻

典儀

唱

送帝神奏四拜典儀

唱

讀祝官捧祝進帛官捧

帛各恭詣泰壇上退拜位之東典儀

唱

望燎捧祝帛官

出殿中門奏詣望燎位內贊對引導上至燎所燎半奏

禮畢上回宮卿奏安神御位入龕訖退回陟虛二南長
庚思善右順右掖門出

一祝文維嗣天子臣御名敢昭奏于皇上帝曰適維
斯辰節當元旦歲時所重爰奉典常祇對皇穹仰瞻
拜神祈垂洪造大賜亨豐臣無任瞻奉之至謹奏

一掌祭奉安神御位卿一員奏禮對引讀祝司香掌燎
導引堂官十員執事樂舞生五人鋪排厨役二十名
一本寺庫內出制帛果品等物青版一片青色告祀帛

一段奉先帛一段盟手檀香五錢香燭內備紅棗一
斤八兩栗子二斤榛仁一斤八兩蓮肉二斤菱米一
斤八兩葡萄二斤胡桃仁一斤白麪三斤蕎麥麪三
斤酒六瓶鹿一隻兔一隻但有事拜天陳設祭品祝帛
儀注等項同前祝文隨事用

萬壽聖節拜天事宜

一前期四日本寺行揭帖知會司禮監填拜天祝版具
題本開門進祭品并官員執事厨役

一前期一日候上祭內殿畢博士捧拜天祝版于精一堂或玄極門內上親填御名是日夜本寺官率執事詣玄極寶殿候上至行禮

一陳設

皇天上帝

二五



附



集

(1)



(12)





(1)

香林

帛



(10)

香案

祝卓

同治

一祝文維嗣天子臣御名謹昭奏于皇天上帝曰臣以
昧愚微資上叨帝心簡在報稱無由稔諸愆戾今日
臣生之辰祇伸叩拜仰祈天慈俯垂賜鑒伏望降歆
益大生生之仁均囿民物于康和福壽之域臣下情
不勝瞻對之至謹奏

一儀注并進祭品演禮陳設執事人員俱與正旦同
奉慈殿

在奉先殿右為奉孝宗生母孝穆紀太后也成化二十

三年建孝宗既追尊孝穆皇太后以不得祔太廟奉先殿別作奉慈殿祀太后已而憲宗生母孝肅周太皇太后睿宗生母孝惠邵太皇太后皆祀殿中孝肅中室孝穆孝惠左右室孝肅孝惠主書太皇太后孝穆主書皇太后每歲五享四時薦新上食如太廟奉先殿嘉靖十五年上諭禮官曰廟祀陵祀本不同奉慈三后主既不得祔廟又不得祔陵殿似黜之非親之也禮官請祔孝肅於裕陵殿孝穆孝惠於茂陵殿上又曰皇太后太皇

太后本子孫尊稱睿皇后純皇后又嫌於適改主題皇
后不得書帝諡罷奉慈享薦禮崇先殿嘉靖初年尊皇
考為獻皇帝外未祔太廟內亦未祔奉先殿也別立崇
先殿十七年睿宗既祔享太廟崇先殿之主亦遷奉先
殿罷崇先殿時食之薦弘孝殿在乾清宮之東神霄殿
在弘孝殿之東隆慶元年奉安孝烈皇后神主于弘孝
殿孝裕皇太后孝懿皇后神主于神霄殿三后忌祭及
冊封等項各告祭于內孝烈世宗皇帝繼后也孝恪穆

宗皇帝生母也孝懿穆宗皇帝正后也隆慶六年孝懿
皇后隨穆宗祔享太廟神霄殿神主奉安于奉先殿萬
厯三年上諭禮官曰朕思弘孝神霄皇祖妣孝烈皇后
及孝恪皇太后神位宜奉安于奉先殿祔享其神主當
奉遷何處查議來行禮部議奉遷神主查有嘉靖十五
年孝肅三后神主遷于陵殿之例神位祔享奉先殿未
敢擅擬奉聖旨三后神主奉遷陵殿既有我皇祖舊典
今宜遵行奉先殿今見有三后神位俱係我皇祖欽定

亦宜遵照祔安不必另擬乃改題孝恪皇太后神主為
孝恪皇后同孝烈皇后俱祔於永陵殿罷弘孝神霄祭
金海祠祠建于大內西苑湧泉亭後祭司海水府司舟
三神嘉靖十四年上諭禮官歲端午朕奉兩宮遊西海
子時望祀諸神宜建祠祀焉祠成每歲仲春秋上壬日
遣本寺卿行禮隆慶元年罷

一每歲仲春秋之上壬日祭司海等神前期十日本
寺題本遣本寺正卿行三獻禮如常儀

一辦祭官一員供祀執事五人鋪排厨役二十名

一陳設

水府之神
司海之神
司舟之神

爵爵爵

酒盞三十箇

奠奠奠

豆	豆	稻	黍	鹽	栗
醢	醢	梁	稷	棗	榛
豆		帛			菱
醢	豕		羊		膚
醢	燭	香	燭		

祝卓

司馬

一祝文維皇帝遣太常寺卿某致祭于司海之神水府之神司舟之神曰粵稽瓊源其來舊矣自彼玉泉之委發茲液之流潤澤禁垣功亦彰矣茲惟仲春秋敬修時祀用報靈貺神其流福以惠我生民尚享

一合用制帛香燭果品等物禮神帛七段白三黑四降香一炷散香一斤八兩燭二枝四兩燭四枝二兩燭十枝一兩燭五枝紅棗一斤八兩栗子二斤榛仁一斤八兩菱米一斤半芡實一斤半香油三斤白鹽二

斤鱖魚二尾花椒蔣蘿茴香各四兩大筍二兩木柴
三百斤炭三斤酒三瓶黍稷稻粱各二升醬三斤葱
五把菁芹菜各四兩

一合用犧牲牛一隻羊一隻豕一口鹿一隻兔一隻

帝社壇

壇在大內西苑幽風亭西墻陸主如太社稷嘉靖十年
上命墾西苑空地藝五穀建恒裕倉儲以供粢盛遂建
帝社稷壇于幽風亭西以祀每歲仲春秋上戊之明日

行祈報禮東帝社西帝稷皆北向隆慶元年罷

一仲春上戊日于西苑祭帝社稷

一前期十五日本寺委協律郎提調樂舞生執事于太和殿朝夕演習禮樂

一本寺具題欽遣大臣陪祀

一前期五日行揭帖知會司禮監并鴻臚寺

一前期三日本寺官具公服奏祭祀齋戒

一行揭帖知會司禮監填祀版本寺官詣太和殿演禮

樂畢詣犧牲所看牲

一前期二日本寺卿面奏省牲次日復命博士捧祝版
于文華殿上填御名訖博士捧出安于香帛亭內厨
後擡至帝社壇供奉樂舞生詣壇燒香午後陳設樂
器夜至五更奉安神牌陳設籩豆牲隻祭祀如在太
社稷後已日齋戒同奏行奏省牲并復命題本

一陳設

北向居東


如縣也

祝卓

帝社之神

饌卓

帝稷北向居西籩豆二案牲共三俱同帝社



一儀注

正祭日辰刻上具皮弁服乘輿至幽風亭之東上降輿
導引官導上至壇門外內贊對引導上行典儀^唱樂舞

生就位執事官各司其事上至御拜位奏就位典儀^唱

迎神奏樂奏陞壇內贊導上陞壇至帝社香案前奏跪

奏搢圭奏上香奏出圭內贊導上至帝稷香案前^{儀同}

奏復位樂止奏兩拜^{通贊陪祀官同}典儀^唱奠帛行初獻禮奏

樂執事官捧帛爵詣各神位前跪獻訖樂暫止奏跪^{通贊}

衆官贊讀祝訖樂復作奏俯伏興平身通贊陪祀官同樂止典

儀唱亞獻禮終獻禮奏樂執事捧爵詣各神位前跪獻

訖樂止典儀唱徹饌奏樂樂止典儀唱送神奏樂奏兩

拜通贊陪祀官同樂止典儀唱讀祝官捧祝掌祭官捧帛饌各

詣瘞位奏樂捧祝帛饌執事官過訖奏禮畢內贊對引

導上出導引官接導上至幽風亭易皮弁服出上回宮

一祝文嗣天子御名致告祭于帝社之神帝稷之神時

當務農之期庸修恒祀特茲告祈惟神歆鑒伴五穀

萬寶告成報謝皆登萬

方咸賴永富尚享
予民萬世攸賴

一樂章

迎神 時和

東風兮地脉萬寶以融

首務祈成兮稼穡之工

合四上四六尺工

工六尺一尺四合

祀神于此兮苑中

願來格兮慰予衷

四合四一尺合四

六工一尺合四合

初獻 壽和

神兮臨止 禮薦清醇 菲幣在筭 初獻式遵

四工尺上 四上尺上 工尺上四 尺上合四

神其鑒茲 享斯藻蘋 我祀伊何 祈報是因

合四上尺 工尺四上 四工六尺 工尺上四

神兮錫祉 則臯吾民

六工尺上 合四上四

亞獻 雍和

二觴再舉 仲此慇懃 神悅兮以納 祥藹兮氤氲

合四上四 六尺上尺 上尺一合四 一尺合四合

終獻 寧和

禮終兮酒三行

喜茂實兮稷黍粱

合四上合上四

上六尺一合四合

農事待兮豐康

予稽首兮以望

合四一四六尺

六上一尺四合

徹饌 保和

祀事告終

三獻既周

徹之罔遲

惠注田疇

合四上四 六尺工尺 工尺合四 尺合四合

迓以休貺 庇茲有秋

六工尺一 尺一四合

送神 廣和

耕耨

伊首告就

力事豆籩 棗盛賴之 于此天田

合四上四 六尺工尺 工尺上四 合四上四

予將以祀 神其少延 願留嘉祉 副我潔虔

六工尺上 工尺合四 四上尺上 工尺上四

肅駕兮云旋 普予兮有年

合四上工尺 工尺上四合

一合用祭器白磁爵六箇籩豆盤三十二箇簋簠四箇
小饌盤二箇酒罇三箇錫杓一把酒壺一把錫水盂
二箇盥盆二箇錫水確二箇湯壺二把香盒二箇木
香盒二箇篚箱二箇屏息十箇祝座一座小銅香爐
二箇燭臺二對大銅爐四箇香案二張案卓二張祝
卓一張饌卓二張平頭卓二張孔卓二張小卓十張

條卓二張帳房三間大紗燈八座小紗燈五對路燈
二十四對

一登壇掌祭卿讀祝奏禮對引掌瘞舉麾司香陳設導
引官共十六員典儀執事共七人樂生七十二人武
舞生六十六人文舞生六十六人燒香樂舞生六人
一樂器千戚籥羽旌節全執事青羅服三生紅羅袍全
一供祀鋪排厨役五十名

一本寺庫內出制帛香燭果品等物仲

春告祀
秋禮神

帛二段

玄色祝版一片方降香二炷方塊香二斤散降香十
斤二十斤燭四枝八兩燭十二枝四兩燭二十四枝
二兩燭六十四枝薰輦速香一斤檀香五錢紅棗三
斤春栗子四斤秋胡桃仁三斤榛仁三斤菱米三斤
芡實二斤半鹽五斤鱖魚鮓魚四尾香油二斤筍四
兩花椒蔣蘿茴香各四兩木柴一千斤酒四瓶
黍稷稻粱各三升醬五斤醋一瓶
恒裕
倉領葱五把韭菁
芹菜各八兩
司菜
局辦

一合用犧牲牛用黝牛二隻

內羹牛一

羊一隻豕二口

內醢一

鹿一隻兔二隻

仲秋上戊明日祭帝社稷

一應事宜俱同仲春

同日祭聖師

嘉靖初年每歲春秋開講前一日奠告先聖於文華殿
奉皇師伏羲氏神農氏軒轅氏帝師陶唐氏有虞氏王
師夏禹王商湯王周文王武王皆南向左先聖周公右
先師孔子東西相向尋罷

一仲春開講

一前期三日進僉版揭帖前一日本寺博士捧祝版于
文華殿上親填御名訖博士捧出安于本寺香帛亭
內供奉

一陳設

王師周文王聖位

燈

王師夏禹王聖位

帝師陶唐氏聖位

皇師神農氏聖位

酒

醴醢

圓眼

餅

皇師伏羲氏聖位

酒

和羹

香燭

帛九

皇師軒轅氏聖位

酒

虎醢

栗

酒

帝師有虞氏聖位

王師商湯王聖位

燈

王師周武王聖位

先聖先師

燈

祝帛

香案

先聖先師

燈

皇帝王師九案同

先聖先師二案盞各三和羹栗子圓眼各三碟

一儀注

正祭日昧爽本寺官早進設酒盞籩豆祝帛訖候上具皮弁服繇文華殿出內贊對引導上至拜位奏就位上就御拜位內贊導上至伏羲氏前奏搢圭奏上香訖詣各神位前俱奏上香訖奏出圭奏復位上復位奏再拜訖讀祝官啓祝跪內贊奏跪上跪贊讀祝訖奏俯伏興

平身讀祝官安祝退訖奏再拜訖贊焚祝帛上退拜位
之東立捧祝帛官出門奏禮畢內贊對引導上出上回
宮

一祝文皇帝御名謹告于先聖諸師暨周公孔子曰予
惟後學之資必賴先聖遺集以為進修茲於明日春
秋開講學伏惟默運神機覺我後學伴誠正之功不
替庶治平之效可臻而聖道永有佑民之惠矣特用
奠告惟聖師鑒焉謹告

一合用祭器小白磁酒盞三十三箇羹碗十一箇小白
磁碟四十箇供卓十一張帛卓一張祝卓一張帛匣
三箇

一供祀讀祝奏禮對引掌燎捧帛導引官共十三員

一本寺備帛燭果品牲醴等物禮神帛十一段白色八
兩燭二枝四兩燭二枝二兩燭八枝香內備圓眼十
一斤栗子十一斤鹽醬各三斤香油五斤葱二斤花
椒蔣蘿蔔各四兩柴五百斤黃白咨紙十五張酒

三瓶

光祿寺文

牛一隻豕一口鹿一隻

造羹醢用

仲秋開講前

一日奠告聖師

一應事宜俱同仲春

崇雩壇

壇建于園丘壇泰元門之東為制一成壇東為神庫大雩嘉靖中上欲於奉天殿行秋報禮丹陛上行大雩禮後用學士夏言議建崇雩壇于園丘東每歲以孟夏後祭天禱雨祈穀後自二月至四月雨暘時若則大雩之祭遣官代如雨澤愆期上親禱焉壇成未經行禮而罷

按後開儀注雖經擬定實未用也

崇雩壇告天禱雨

一前期十五日本寺委協律郎提調樂舞生執事于太和殿朝夕演習禮樂

一前期六日行手本知會司禮監鴻臚寺請陞殿奏祭祀

一前期四日本寺官具公服奏祭祀齋戒進銅人齋牌于文華殿東安設北向

一齋牌嘉靖幾年某月某日于崇雩壇禱雨某日午後

沐浴更衣某日為始致齋三日

一東西長安門告示太常寺為祭祀事嘉靖幾年某月某日于崇霄壇禱雨文武百官自某日午後沐浴更衣某日為始致齋三日云云

一前期二日樂舞生早詣崇霄壇并南門燒香本寺卿光祿卿面奏省牲畢本寺官詣太和殿演樂畢詣犧牲所看牲

一前期一日本寺卿同光祿卿省牲復本寺官詣景神

殿候上致辭本寺博士捧祝版于文華殿上親填御名訖博士捧出安于香帛亭內供奉

一本寺官率鋪排詣神庫視洗祭器午後陳設天座樂舞生陳設祭器

一陳設籩豆與祈穀同

一是夜二更時分本寺卿奉安神御位陳設籩豆三更時分上乘輿至昭亨門西降輿過門東乘輿至崇雲壇門西降輿導引官導上至帷幙內具祭服出導引官導

至壇門內內贊對引官導上行典儀

唱

樂舞生就位執

事官各司其事內贊對引官導上至拜位內贊奏就位

典儀

唱

迎帝神奏樂內贊奏陞壇道上至香案前奏跪

奏拵圭奏上香訖出圭復位樂止奏四拜

傳贊百官同

典儀

唱

奠帛奏樂內贊奏陞壇導上至御案前奏拵圭上受

帛奏獻帛訖奏出圭復位樂止典儀

唱

進俎奏樂內贊

奏陞壇導上至俎匣前奏拵圭奏進俎奏出圭復位樂

止典儀

唱

行初獻禮奏樂內贊奏陞壇導上至御案前

奏搯圭上受爵奏獻爵訖奏出圭奏詣讀祝位奏跪

傳贊

衆官皆跪

贊讀祝訖奏俯伏興平身

傳贊百官

奏復位樂止典儀

唱

行亞獻禮行終獻禮

儀同初獻禮惟不讀祝

樂止太常卿西向

立

唱

賜福胙內贊奏詣飲福位導上至飲福位光祿官

捧福酒胙跪于右內贊奏跪奏搯圭奏飲福酒訖奏受

胙訖奏出圭俯伏興平身復位奏四拜

傳贊百官同

典儀

唱

徹饌奏樂樂止典儀

唱

送帝神奏樂奏四拜

傳贊百官同

樂

止典儀

唱

讀祝官捧祝進帛官捧帛掌祭官捧饌各恭

詣泰壇上退拜位之東唱典儀望燎奏樂捧祝帛饌官
下壇內贊奏詣望燎位內贊對引官導上至燎所燎半
奏禮畢導引官導上至帷幙內易服出上回詣景神殿
致辭參拜

一祝文嗣天子臣御名祇奏于皇天上帝曰云云

一樂章

迎帝神 中和

於穆上帝 爰處瑤宮 咨爾黎庶 覆憫曷窮

合尺一合 上尺工尺 工尺一四 尺合四合

旗幢戾止 委蛇雲龍 霖澤斯溥 萬寶有終

六工尺一 六尺工尺 工尺一四 尺合四合

奠帛 肅和

神之格思 奠茲文繡 盛樂斯舉 香氣氤氲

合四上尺 六工上尺 工尺一四 尺合四一

精禋孔燭 徹于紫冥 懃祈膏澤 渥我嘉生

六工尺一 六工一尺 一尺一四 一尺一合

進俎

咸和

百川委潤 名山出雲 愆暘孔熾 膏澤斯屯

四尺一合 六尺工尺 工尺一四 一尺一合

祈年於天 載牲于俎 神之格思 報以甘雨

六尺工尺 上尺四合 尺合四尺 尺工尺四

初獻 壽和

有嚴榮祀 日吉辰良 酌彼鬯洗 椒馨苾香

一合四一 一尺工尺 工尺一四 工尺一合

玄功溥濟 時雨時暘 惟神是聽 綏以多穰

六上尺一 六尺工尺 工尺一四 工六工一

亞獻 景和

皇皇煙祀 孔惠孔明 瞻仰來歆 拜首欽承

尺工一合 一尺工尺 工尺一四 尺合四合

有醴維醕 有酒維清 雲韶侑獻 肅雝和鳴

一尺工尺 一尺四合 六工尺一 一尺工尺

聖靈有赫 鑒享精誠

工尺一四 合四上尺

終獻 永和

靈承無斁 駿奔有容 嘉玉以陳 酌鬯以供

合四一合 六尺工尺 工尺合四 一尺一合

禮三再稱 誠一以從 備物致志 申薦彌恭

一尺工尺 工尺一合 六工尺一 六尺工尺

神昭景貺 佑我耕農

工尺合四 上尺四合

徹饌

凝和

有赫旱暵

民勞瘁斯

于牲于醴

載舞載詩

合四上尺

六尺工尺

工尺一四

尺合四合

禮成三獻

敬徹不遲

神之聽之

雨我公私

工尺工一

一尺工尺

工尺一四

工尺一四

送帝神

清和

爰迪寅清

昭事顓穹

仰祈甘雨

惠我三農

合尺一合

六尺工尺

合四一四

尺合四合

既歆既格 言歸太空 式霑下土 萬方其同

六工尺一 一尺工尺 合四一四 工尺一合

望燎 太和

赤龍旋馭 禮洽樂成 燔燎既舉 昭假精禋

合四上尺 工六一尺 工尺一四 工尺一合

維帝降康 雨施雲行 登我黍稌 溥受厥明

一尺工尺 一尺一合 六工尺一 尺合四合

雲門之曲

景龍精兮時見 測鵠緯兮宵懸 肆廣樂兮鏗鏘

合四上四合尺 工六工一工尺 合四一四六工

列皇舞兮踴躍 祈方社兮不莫 薦圭璧兮孔虔

工六一尺四合 合四上四上尺 工尺四上合四

需密雲兮六漠 霈甘澍兮九玄 懋我農兮既渥

合四上四工尺 工尺四上合四 四合上四六工

錫明昭兮有年

六工一尺四合

一合用祭器登壇官員執事樂舞生厨役俱與祈穀同
一本寺庫內出制帛香燭果酒等物俱與祈穀同不用

玉

一合用犧牲共六隻牛二隻羊一隻豕一口鹿一隻兔
一隻

先蠶壇

嘉靖九年建先蠶壇于北郊皇后親祀公主及內外命
婦陪祀畢詣採桑臺行採桑禮十年改築壇于內苑以

仲春上巳日行事二十七年罷

一親蠶擇吉日致祭先蠶氏

一前期三日內尚儀奏祭祀齋戒皇后致齋三日內執

事致齋一日

一前期一日蠶宮令具祝版陳設籩豆牲隻樂器

一陳設

先蠶氏之神

爵爵爵
酒盞三十三箇

羹

麥	栗	稻	黍	粱	非	菁	粳
麥	栗	稷	稷	粱	粱	粱	粱
鹿脯	榛	帛					

羊 豕

如
山
川

一儀注

正祭日未明司設監備儀仗及重翟車蠶宮令備鈎筐一副俱候于西華門外將明皇后出宮門乘肩輿侍衛警蹕如常公主及內外命婦應入壇者各著具服以從至西華門升重翟車兵衛儀仗前導女官捧鈎筐行于車前至具服殿皇后易禮服至壇內贊唱樂女生就位執事官各司其事導引女官導皇后至祭拜位司贊奏就位公主內外命婦各以次就拜位內贊唱瘞毛血迎

神樂作樂止司贊奏四拜

公主內外
命婦同

內贊

唱

奠帛行初

獻禮作樂執事官捧帛爵于神位前各奠訖樂暫止司

贊奏跪皇后跪公主以下同跪內贊

唱

讀祝訖樂復作

司贊奏興皇后興公主以下同興樂止內贊

唱

亞獻禮

終獻禮樂作執事捧爵于神位前奠跪訖樂止執事女

官進立壇東西向

唱

賜福胙司贊奏跪皇后跪執事女

官捧福酒胙跪進于皇后右奏飲福酒訖奏受胙訖奏

興皇后興奏兩拜公主以下同內贊

唱

徹饌樂作樂止

內贊

唱

送神樂作奏四拜公主以下同樂止內贊

唱

讀

祝官捧祝執事官捧帛饌各詣瘞位樂止皇后退拜位之東立捧祝帛饌官過訖司贊奏禮畢還具服殿更常服詣採桑臺行採桑儀

一祝文維皇后某氏致祭于先蠶氏之神曰惟神肇興蠶織衣我烝民萬世永賴仰冀默垂庇佑相茲蠶事率土大同惟神之休敬以牲帛醴齊之儀用伸祭告尚享

一樂章

迎神

貞和

於穆惟神

肇啓蠶桑

衣我萬民

保有家邦

合尺一合

六尺工尺

工尺一四

尺合四合

茲舉曠儀

春日載陽

恭迎霞馭

靈氣洋洋

尺一六尺

一四工合

工尺一四

工尺一合

初獻

壽和

神其臨只

有苾其芬

乃獻玉盞

乃奠文繡

合尺一合

一尺工尺

合四一四

一尺四合

仰祈昭鑒

淑景氤氲

顧茲蠶婦

祁祁如雲

一尺工尺

六尺工尺

工尺一四

工尺一合

亞獻

順和

載舉清觴

蠶祀孔明

以格以饗

鼓瑟吹笙

尺工一合

六工一尺

一尺一四

一尺一合

陰教用彰

坤儀允貞

神之聽之

鑒此禋誠

六尺工尺

一四工合

工尺一四

尺一六尺

終獻

寧和

神之格思

桑土是宜

三纁七就

惟此繭絲

合四一尺

六尺工尺

尺一工尺

一四工合

獻禮有終

神不我遺

錫我純服

藻繪皇儀

六工一尺

尺四工合

尺合一四

一尺四合

徹饌

安和

俎豆具徹

式禮莫愆

既匡既敕

我祀孔虔

合四一尺

六尺工尺

工尺一四

合四工合

我思古人 葛覃惟賢 明靈歆只 永顧桑阡

合四一尺 六尺一尺 一尺一四 一尺四合

送神 恒和

神之升矣 日霽霞烝 相此女紅 杼柚其興

合尺一合 六尺一尺 一尺一合 一尺四合

茲返玄宮 鸞鳳翔騰 瞻望弗及 永錫嘉徵

尺一上尺 六尺一尺 一尺一四 一尺四合

一合用祭器簋簋豆磬二十箇登一爵四箇

福酒一箇酒

罇三箇酒盞三十箇大紅紗燈四座紅綿紙方燈共六十盞

一本寺庫內出祝帛香燭果品等物于前期二日送赴蠶壇蠶宮令收告祀帛一段黑色祝版一片降香二十斤二十斤燭四枝八兩燭十枝四兩燭三十枝二兩燭二百枝一兩燭二十枝紅棗二斤栗子二斤八兩榛子一斤八兩菱米二斤芡實一斤八兩鹽二斤香油三斤笋花椒蒔蘿茴香各四兩木柴一千斤木

炭十斤黍稷稻粱各一升五合恒裕倉領韭菜八兩
菁菜芹菜各一把

一合用牲隻北羊二隻

一內胙

豕二口鹿一隻兔一隻

神祇壇

二壇相向建于先農壇之南國初建山川壇於天地壇

西

俗呼為地壇

正殿七壇曰太歲曰風雲雷雨曰五嶽曰五

鎮曰四海曰四瀆曰鍾山兩廡從祀六壇左京畿山川

夏季月將冬季月將右春季月將秋季月將都城隍二

年封京都及天下城隍神三年正嶽鎮海瀆城隍諸神號
合祀太歲四季月將風雲雷雨嶽鎮海瀆山川城隍諸
神又令驚蟄春分後三日遣官祭山川壇諸神七年令
仲春秋上旬擇日祭耒耜以諸神從祀天地壇省春祭
十年上親祀山川諸神於殿中命功臣分獻兩廡永樂中
京師山川壇成位置如南京進祀天壽山於鍾山下嘉靖
十一年改山川壇為天神地祇二壇以雲師雨師風伯雷
師為天神南向五嶽五鎮基運翊聖神烈天壽純德五山

四海四瀆為地祇北向又以京畿山川西向天下山川東向從祀地祇每歲仲秋中旬致祭丑辰未戌年上親行禮餘年遣官代而太歲月將城隍則別祀之隆慶元年罷祭

秋祭神祇壇事宜

嘉靖十一年四月二十一日該禮部具題二十四日奉聖旨神祇壇每三歲一親祭以丑辰未戌年行事著為令典一前期十五日本寺委協律郎提調樂舞生執事于太和殿朝夕演習禮樂

一前期四日行手本知會鴻臚寺請陞殿奏祭祀行揭帖知會司禮監該遣官之年行揭帖知會中書填祝版知會遣官侍班

一前期一日本寺官具公服奏祭祀齋戒本寺卿同光祿卿面奏省牲進銅人齋牌于文華殿東安設北向一齋牌嘉靖幾年八月某日致祭雲雨風雷嶽鎮海瀆山川等神某日午後沐浴更衣某日為始致齋二日一東西長安門告示太常寺為祭祀事某年八月某日

致祭雲雨風雷嶽鎮海瀆山川等神文武百官云云
一行揭帖知會司禮監填祝版樂舞生早詣神祇二壇
齋宮并各門燒香本寺堂官詣太和殿演禮樂畢詣
犧牲所看牲

一前期一日本寺卿同光祿卿省牲復命博士捧祝版
于文華殿上親填御名訖博士捧出安于香帛亭厨
役擡至神祇壇神庫供奉本寺官率鋪排洗滌祭器
一本寺官早詣景神殿候上致辭拜告

一告辭孝玄孫嗣皇帝御名明日出往神祇壇行秋祭
禮謹詣祖宗列聖帝后神位前恭預告知是日午後
樂舞生陳設樂器夜至三更本寺官請各神牌奉安
訖陳設籩豆牲隻

一陳設

南向左右設

饒卓

雲師之神

爵 爵 爵

箇十三盞酒

和集 大集 和集




































祝卓

嶽鎮五山海濱五壇

北向設豆
牲醴同

京畿山川

1957 年

天下山川

東向蓬豆
同性各五

一儀注

正祭日昧爽上繇大明門出至先農壇齋宮上具祭服

出導引官導上繇天神壇中門入典儀唱樂舞生就位

執事官各司其事內贊奏就位典儀唱迎神奏樂奏陞

壇內贊對引官導上至香案前奏搢圭奏上香訖奏出

圭奏復位樂止奏再拜傳贊百官同典儀唱奠帛行初

獻禮奏樂執事官捧帛爵詣各神位前獻訖樂暫止奏

跪傳贊衆官皆跪典儀唱讀祝訖樂復作奏俯伏興平

身

傳贊百
官同

樂止典儀

唱

亞獻禮終獻禮執事官捧爵詣

各神位前獻訖樂止太常卿立于壇東西向

唱

答福酢

光祿卿捧福酒酢跪進于上右內贊奏跪奏搢圭奏飲福

酒訖奏受酢訖奏出圭奏俯伏興平身奏再拜

傳贊百
官同

典儀

唱

徹饌奏樂樂止典儀

唱

送神奏樂奏再拜

傳贊百
官同

同樂止典儀

唱

讀祝官捧祝掌祭官捧帛饌官過訖奏禮畢內贊

奏樂上退拜位之東立捧祝帛饌官過訖奏禮畢內贊

對引導上出中門樂止導引官導上至地祇壇繇中門

入典儀

唱

樂舞生就位執事官各司其事內贊奏就位

典儀

唱

迎神奏樂奏陞壇內贊對引導上至五嶽香案

前奏搢圭奏上香訖奏出圭奏復位五鎮以下俱大臣上

香訖樂止奏再拜典儀

唱

奠帛行初獻禮亞終獻徹饌

飲福胙送神奏樂儀同天神樂止典儀

唱

讀祝官捧祝

掌祭官捧帛饌各詣瘞位奏樂上退拜位之東立捧祝

帛饌官過訖奏禮畢內贊對引導上出中門導引官導

上至齋宮易祭服出樂止上回至景神殿致辭參拜畢

上回宮

一叅辭孝玄孫嗣皇帝御名祭雲雨風雷嶽鎮海瀆等
神回還恭詣祖宗列聖帝后神位前謹用叅拜

地祇壇上香大臣儀注

典儀唱迎神執事官導引各官繇東西級上詣各神香
案前內贊奏搢笏齊搢笏奏上香齊上香奏出笏齊出
笏奏復位齊復位仍照前序立

一祝文維某年歲次月日皇帝遣致祭雲雨風雷之神五

嶽之神五鎮之神基運山之神翊聖山之神神烈山
之神天壽山之神純德山之神四海之神四瀆之神
京畿天下山川之神惟神鍾靈毓秀主鎮一方叅贊
大化功被於民今農事既成以牲帛醴齊之儀用修
報祭神其歆哉尚享

一樂章

天神

迎神

保和

吉日良辰

祀典式陳

景雲甘雨

風雷之神

合四一四 工尺上四 上尺工尺 工尺上四

赫赫其靈 功著生民 叅贊元化 宣布蒼仁

六工尺上 合四上四 四工六尺 上四尺上

爰茲報祀 鑒斯藻蘋

六工尺上 尺上四合

奠帛

靈其蒞止 有赫其威 一念潛通 幽明弗違

尺合四一 一尺工尺 工尺一四 尺四上合

有帛在筐 物薄而微 神兮安留 尚其享之

上六上一 一尺上尺 上尺一四 合四一尺

初獻 安和

神兮我留 有薦必受 享祀之初 奠茲醴酒

一合四一 尺上尺四 四尺上尺 四尺一合

晨光初昇 祥徵應候 何以有觴 樂陳雅奏

四合上尺 六上一尺 一合四一 上六上一

亞獻 中和

我祀維何 奉茲犧牲 爰酌醴齊 二觴再昇

合尺一合 一尺工尺 工尺合四 尺四工合

洋洋如在 式燕以寧 庶表微衷 交于神明

六工尺一 六工一尺 合四一四 工尺一合

終獻 肅和

執事有嚴 品物斯祭 黍稷非馨 式將其意

四合四一 尺工尺四 上尺工尺 四尺一合

薦茲酒醴 成我常祀 神其顧歆 永言樂只

四合四一 六工尺四 尺合四尺 尺工尺四

徹饌 雍和

春祈秋報 率為我民 我民之生 賴於爾神

合尺一合 六工一尺 合四一四 尺四工合

惟神佑之 康寧是臻 祭祀云畢 神其樂歆

六工一尺 尺四工合 一尺工合 工尺一合

送神 寧和

三獻禮終 九成樂作 神人以和 既燕且樂

尺合四一 尺工尺四 六工合一 尺四工合

雲車風馭 靈光昭灼 瞻望以思 邈被寥廓

六工尺一 六尺工尺 尺一合四 一尺六尺

望燎

俎豆既徹 禮樂已終 神之云還 倏將焉從

合四一尺 尺工合四 六工尺一 一尺一合

以望以燎 庶幾感通 時和歲豐 惟神之功

六工合四 尺四工合 尺一合四 工尺一合

地祇樂章

迎神

保和

吉日良辰

祀典式陳

靈嶽方鎮

海濱之神

合尺一合

工尺工尺

六工尺一

合四一四

京畿四方

山澤羣真

毓靈分隅

福我生民

六尺工尺

工尺一合

合四一尺

六尺工尺

薦斯享報

鑒我恭寅

工尺合四

工尺一合

奠帛 初獻 亞獻 終獻 徹饌 送神

望瘞

同前

神祇共十一壇合用祭器白磁爵三十五箇白磁鐘三百九十箇登十三銅二十六箇簋簠籩豆碟二百六十四箇毛血盤三十七箇酒罇九箇杓三把錫壺三把羹瓶三箇香爐八箇

神祇一

燭臺八對香盒八箇錫

盆四箇屏息二十一箇篚箱十一箇案卓十三張饌

卓十一張帛桌十一張祝座二座卓二張香卓八張

孔卓三張昨卓二張籩豆牲匣各十二副

一合用犧牲共五十四隻牛用黝天神壇用牛六隻羊
四隻豕五口地祇壇用牛八隻羊九隻豕十口鹿共
一隻兔共十一隻

一本寺庫內出制帛香燭果品等物天神用禮神帛四
段青黃玄白色祝版一片圓降香一炷塊香一斤降炷散

香五十斤薰輦速香八兩檀香五錢地祇用禮神帛

二十七段

青三紅二黃二
玄七白十二

祝版一片方降香七炷塊

香三斤降炷散香五十斤進銅人僉版二兩燭十二

枝二十斤燭各四枝八兩燭

神八枝祇十四枝

四兩燭各十

八枝二兩燭各一百枝一兩燭各三十枝共用紅棗

子十一斤栗子十七斤榛仁十七斤芰米十五斤蓮

肉十六斤白鹽十三斤鱖魚鮓魚二十四尾香油十

一斤砂糖五斤蜜十二兩笋花椒蒔蘿茴香各八兩

木柴一萬一千斤炭四十斤酒三十五瓶

光祿寺支

黍稷

稻粱各九升蕎麥白麴各二十斤醬十三斤醋二瓶

蔥十九把韭菜二斤十二兩菁菜十三把芹菜三捆


司菜
甸辦

一登壇掌祭卿讀祝奏禮對引官七員司香官十一員
舉麾官二員陳設官十一員鋪排褥官二員導引官
六員祝燎官六員典儀通贊傳贊十二人捧帛十一
人執爵十一人司尊四人樂生各七十二人武舞生
各六十六人文舞生各六十六人燒香點燭樂舞生
二十八人

一樂器干戚籥羽旌節俱全

一執事青羅祭服三生紅羅袍服俱全

一厨役鋪排共三百名



太常續考卷八